

"Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидаларын бекіту туралы" Қазақстан Республикасы Үкіметінің 2013 жылғы 27 тамыздағы № 868 қаулысына өзгеріс енгізу туралы

Қазақстан Республикасы Үкіметінің 2022 жылғы 25 маусымдағы № 433 қаулысы.

Қазақстан Республикасының Үкіметі ҚАУЛЫ ЕТЕДІ:

1. "Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидаларын бекіту туралы" Қазақстан Республикасы Үкіметінің 2013 жылғы 27 тамыздағы № 868 қаулысына мынадай өзгеріс енгізілсін:

көрсетілген қаулымен бекітілген Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидалары осы қаулыға қосымшаға сәйкес жаңа редакцияда жазылсын.

2. Осы қаулы алғашқы ресми жарияланған күнінен бастап қолданысқа енгізіледі.

*Қазақстан Республикасының
Премьер-Министрі*

Ә. Смайылов

Қазақстан Республикасы
Үкіметінің
2022 жылғы 25 маусымдағы
№ 433 қаулысына
қосымша
Қазақстан Республикасы
Үкіметінің
2013 жылғы 27 тамыздағы
№ 868 қаулысымен
бекітілген

Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидалары

Осы Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертліккен жағдайда біржолғы өтемақы төлеу қағидалары (бұдан әрі – Қағидалар) " Әскери қызмет және әскери қызметшілердің мәртебесі туралы" Қазақстан Республикасы Заңының (бұдан әрі – Заң) 51-бабына сәйкес әзірленді және әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертліккен жағдайда біржолғы өтемақы төлеу тәртібін айқындайды.

1-тарау. Жалпы ережелер

1. Әскери қызметшіге, әскери жиындарға шақырылған әскери міндеттіге (бұдан әрі – әскери міндетті) немесе оны алуға құқығы бар адамдарға біржолғы ақшалай өтемақы (бұдан әрі – өтемақы) төлеу:

1) әскери қызметін өткеру кезеңінде әскери қызметші, әскери жиындарға шақырылған әскери міндетті не әскери қызметтен шығарылғаннан, әскери жиындар аяқталғаннан кейін әскери қызмет өткеру, әскери жиындардан өту кезеңінде алған мертлігу (жаралану, жарақаттану, контузия алу), науқастану салдарынан қаза тапқан (қайтыс болған);

2) әскери қызметшіге немесе әскери міндеттіге әскери қызметін өткеру, әскери жиындарда болған кезеңде немесе әскери қызмет өткеру, әскери жиындар аяқталған кезеңде алған мертлігу (жаралану, жарақаттану, контузия алу), науқастану салдарынан әскери қызметтен шығарылған күннен бастап бір жыл өткенге дейін мүгедектік белгіленген;

3) әскери қызметші немесе әскери міндетті әскери қызмет міндеттерін орындау кезінде, әскери жиындарда мүгедектікке әкеп соқтырмаған ауыр мертліккен (жараланған, жарақаттанған, контузия алған) немесе жеңіл мертліккен жағдайларда жүргізіледі.

2. Әскери қызметшіге, әскери міндеттіге немесе оны алуға құқығы бар адамға өтемақы төлеуді тиісті уәкілетті мемлекеттік органдар:

1) Қарулы Күштерде әскери қызметте тұратын немесе әскери қызмет өткерген әскери қызметшілерге – Қазақстан Республикасының Қорғаныс министрлігі;

2) Қазақстан Республикасының Ұлттық ұланында, әскери-тергеу органдарында әскери қызметте тұратын немесе әскери қызмет өткерген әскери қызметшілерге – Қазақстан Республикасының Ішкі істер министрлігі;

3) Қазақстан Республикасының Мемлекеттік күзет қызметінде әскери қызметте тұратын немесе әскери қызмет өткерген әскери қызметшілерге – Қазақстан Республикасының Мемлекеттік күзет қызметі;

4) Қазақстан Республикасының ұлттық қауіпсіздік органдарында әскери қызметте тұратын немесе әскери қызмет өткерген әскери қызметшілерге – Қазақстан Республикасының Ұлттық қауіпсіздік комитеті;

5) әскери прокуратура органдарында әскери қызметте тұратын немесе әскери қызмет өткерген әскери қызметшілерге – Қазақстан Республикасының Бас прокуратурасы;

6) азаматтық қорғау саласындағы уәкілетті органның азаматтық қорғанысты басқару органдары мен әскери бөлімдерінде әскери қызметте тұратын немесе әскери қызмет өткерген әскери қызметшілерге – Қазақстан Республикасының Төтенше жағдайлар министрлігі жүзеге асырады.

3. Өтемақы алу үшін қажетті құжаттар:

1) Қарулы Күштерде әскери қызметте тұратын немесе әскери қызмет өткерген әскери қызметшілер бойынша – әскери бөлімдерге (мекемелерге) немесе жергілікті әскери басқару органдарына;

2) Ұлттық ұланда және әскери-тергеу органдарында әскери қызметте тұратын әскери қызметшілер бойынша – әскери қызмет орны бойынша жауапты құрылымдық бөлімшелерге;

Ұлттық ұланда және әскери-тергеу органдарында әскери қызмет өткерген әскери қызметшілер бойынша – жергілікті әскери басқару органдарына;

3) азаматтық қорғау саласындағы уәкілетті органның азаматтық қорғанысты басқару органдары мен бөлімдерінде әскери қызметте тұратын әскери қызметшілер бойынша – әскери қызмет орны бойынша жауапты құрылымдық бөлімшелерге;

азаматтық қорғау саласындағы уәкілетті органның азаматтық қорғанысты басқару органдары мен бөлімдерінде әскери қызмет өткерген әскери қызметшілер бойынша – жергілікті әскери басқару органдарына;

4) Қазақстан Республикасының Мемлекеттік күзет қызметінде әскери қызметте тұратын немесе әскери қызмет өткерген әскери қызметшілер бойынша – әскери қызмет орны бойынша жауапты құрылымдық бөлімшелерге;

5) Қазақстан Республикасының ұлттық қауіпсіздік органдарында әскери қызметте тұратын немесе әскери қызмет өткерген әскери қызметшілер бойынша – әскери қызмет орны бойынша жауапты құрылымдық бөлімшелерге;

6) әскери прокуратура органдарында әскери қызметте тұратын немесе әскери қызмет өткерген әскери қызметшілер бойынша – әскери қызмет орны бойынша жауапты құрылымдық бөлімшелерге ұсынылады.

4. Әскери жиындардан өтетін немесе өткен әскери міндеттілер бойынша өтемақы алу үшін қажетті құжаттар осы Қағидалардың 3-тармағында көрсетілген әскери қызмет орны бойынша тиісті құрылымдық бөлімшелерге немесе жергілікті әскери басқару органдарына ұсынылады.

5. Заңның 51-бабының 4-тармағында көзделген жағдайларда тиісті құжаттар ресімделмейді және өтемақы төленбейді.

2-тарау. Әскери қызметші (әскери міндетті) қаза тапқан (қайтыс болған) жағдайда өтемақы алу үшін қажетті құжаттарды беру тәртібі

6. Әскери қызмет өткеру кезеңінде әскери қызметші, әскери жиындарға шақырылған әскери міндетті қаза тапқан (қайтыс болған) не әскери қызметтен шығарылғаннан, әскери жиындар аяқталғаннан кейін әскери қызмет өткеру, әскери жиындардан өту кезеңінде алған мертігу (жаралану, жарақаттану, контузия алу), наукастану салдарынан қаза тапқан (қайтыс болған) жағдайда өтемақы алуға құқығы бар адамдар осы Қағидалардың 3-тармағында көрсетілген әскери қызмет орны бойынша жауапты құрылымдық бөлімшелерге немесе жергілікті әскери басқару органдарына мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгідегі өтінішті;

2) қайтыс болуы туралы куәліктің нотариат куәландырған көшірмесін;

3) мұраға құқығы туралы заңнамада белгіленген тәртіппен берілген куәлікті;

4) мұраға құқығы туралы куәлікте көрсетілген өтемақы алуға құқығы бар адамдардың жеке басын куәландыратын құжаттарының көшірмелерін (жеке куәліктер, балалардың туу туралы куәліктері);

5) әрбір мұрагердің банктік шотының нөмірі туралы мәліметтерді;

6) сот-медициналық сараптама немесе патологоанатомиялық зерттеу қорытындысының көшірмесін ұсынады.

Егер сот-медициналық сараптама немесе патологоанатомиялық зерттеу жүргізілмеген жағдайда денсаулық сақтау саласындағы уәкілетті орган айқындаған нысан бойынша қайтыс болуы туралы медициналық куәлікті ұсынады.

7. Әскери қызмет орны бойынша жауапты құрылымдық бөлімшелер немесе жергілікті әскери басқару органдары осы Қағидалардың 6-тармағында көрсетілген құжаттарды қабылдағаннан кейін:

1) әскери қызметші немесе әскери міндетті ақшалай ризықта тұрған әскери бөлімнен (мекемеден) осы Қағидаларға 2-қосымшаға сәйкес нысан бойынша қаза тапқан (қайтыс болған) адамның оқиға болған кездегі ақшалай қамтылымының мөлшері туралы анықтаманы;

2) әскери қызметшіні, әскери міндеттіні әскери бөлімнің (мекеменің) тізімдерінен шығару туралы әскери бөлім командирінің (мекеме басшысының) бұйрығынан үзіндіні;

3) әскери қызмет өткеруге байланысты әскери қызметшінің немесе әскери міндеттінің қаза табуын (қайтыс болуын) тергеп-тексеру материалдарын;

4) әскери қызметтен шығарылғаннан, әскери жиындар аяқталғаннан кейін қайтыс болған адамдарға қатысты әскери-дәрігерлік комиссияның қайтыс болуға әкеп

соқтырған мертiгудiң (жараланудың, жарақаттанудың, контузия алудың), науқастанудың әскери қызмет өткерумен себептi байланысы туралы қорытындысын сұратады.

Бұл ретте әскери қызметшiнiң қаза табу (қайтыс болу) жағдайы бойынша өтемақы оқиға басталған күннен бастап үш жыл өткенге дейiн төленедi және мүгедектіктің белгіленуiне байланысты бұрын төленген өтемақыға қарамастан жүзеге асырылады.

3-тарау. Әскери қызметшiге немесе әскери мiндеттiге мүгедектік белгіленген жағдайда өтемақы алу үшін қажеттi құжаттарды беру тәртібі

8. Әскери қызмет өткеру кезеңінде келiсiмшарт бойынша әскери қызмет өткеретiн әскери қызметшiге әскери қызметiн өткеру кезеңінде алған мертiгу (жаралану, жарақаттану, контузия алу), науқастану салдарынан мүгедектік белгіленген жағдайда ол осы Қағидалардың 3-тармағында көрсетiлген әскери қызмет орны бойынша жауапты құрылымдық бөлiмшелерге немесе жергiлiктi әскери басқару органдарына мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгiдегi өтiнiштi;

2) әскери-дәрiгерлiк комиссияның мертiгудiң (жараланудың, жарақаттанудың, контузия алудың), науқастанудың әскери қызмет өткерумен себептi байланысы туралы қорытындысының нотариат куәландырған көшiрмесiн;

3) Қазақстан Республикасы Денсаулық сақтау және әлеуметтік даму министрiнiң 2015 жылғы 30 қаңтардағы № 44 бұйрығымен бекітілген Медициналық-әлеуметтік сараптама жүргiзу қағидаларына (нормативтік құқықтық актiлердi мемлекеттік тiркеу тiзiлiмiнде № 10589 болып тiркелген) 13-қосымшаға сәйкес нысан бойынша берiлетiн мүгедектігi туралы анықтаманың (бұдан әрi – мүгедектік туралы анықтама) нотариат куәландырған көшiрмесiн ұсынады.

9. Әскери қызмет орны бойынша жауапты құрылымдық бөлiмшелер немесе жергiлiктi әскери басқару органдары осы Қағидалардың 8-тармағында көрсетiлген құжаттарды қабылдағаннан кейiн әскери қызметшi ақшалай ризықта тұратын (тұрған) әскери бөлiмнен немесе республикалық мемлекеттік мекемеден осы Қағидаларға 2-қосымшаға сәйкес нысан бойынша оқиға болған кездегi ақшалай қамтылымының мөлшерi туралы анықтаманы сұратады.

10. Келiсiмшарт бойынша әскери қызмет өткеретiн әскери қызметшiге әскери қызмет өткеру кезеңінде алған мертiгуi (жаралануы, жарақаттануы, контузия алуы), науқастануы салдарынан әскери қызметтен шығарылған күннен бастап бiр жыл өткенге дейiн мүгедектік белгіленген жағдайда ол осы Қағидалардың 3-тармағында көрсетiлген әскери қызмет орны бойынша жауапты құрылымдық бөлiмшелерге немесе жергiлiктi әскери басқару органдарына мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгідегі өтінішті;

2) мүгедектігі туралы анықтаманың нотариат куәландырған көшірмесін;

3) әскери-дәрігерлік комиссияның мертігудің (жараланудың, жарақаттанудың, контузия алудың), науқастанудың әскери қызмет өткерумен себепті байланысы туралы қорытындысының нотариат куәландырған көшірмесін ұсынады.

11. Әскери қызмет орны бойынша жауапты құрылымдық бөлімшелер немесе жергілікті әскери басқару органдары осы Қағидалардың 10-тармағында көрсетілген құжаттарды қабылдағаннан кейін:

1) әскери қызметші ақшалай ризықта тұрған әскери бөлімнен (мекемеден) осы Қағидаларға 2-қосымшаға сәйкес нысан бойынша мүгедектік белгіленген күні қызметтен шығарылған кезден бастап соңғы атқарған әскери лауазымы бойынша ақшалай қамтылымының мөлшері туралы анықтаманы;

2) әскери қызметшіні әскери бөлімнің (мекеменің) тізімдерінен шығару туралы әскери бөлім командирінің (мекеме басшысының) бұйрығынан үзіндіні сұратады.

12. Әскери қызмет өткеру кезеңінде мерзімді әскери қызмет әскери қызметшілеріне, стипендия алатын курсанттарға және кадеттерге, әскери жиындарда болған кезеңде әскери міндеттілерге әскери қызмет өткеру кезеңінде алған мертігу (жаралану, жарақаттану, контузия алу), науқастану салдарынан мүгедектік белгіленген жағдайда олар осы Қағидалардың 3-тармағында көрсетілген әскери қызмет орны бойынша жауапты құрылымдық бөлімшелерге немесе жергілікті әскери басқару органдарына мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгідегі өтінішті;

2) мүгедектігі туралы анықтаманың нотариат куәландырған көшірмесін;

3) әскери-дәрігерлік комиссияның мертігудің (жараланудың, жарақаттанудың, контузия алудың), науқастанудың әскери қызмет өткерумен, әскери жиындардан өтумен себепті байланысы туралы қорытындысының нотариат куәландырған көшірмесін ұсынады.

13. Әскери қызмет орны бойынша жауапты құрылымдық бөлімшелер немесе жергілікті әскери басқару органдары осы Қағидалардың 12-тармағында көрсетілген құжаттарды қабылдағаннан кейін:

1) мерзімді қызмет әскери қызметшілерінен, стипендия алатын курсанттарынан және кадеттерден – әскери бөлімнен (мекемеден) әскери қызмет өткергені туралы анықтаманы;

2) әскери міндеттілерден – әскери бөлімнен (мекемеден) әскери жиындардан өткені туралы анықтаманы сұратады.

14. Мерзімді әскери қызмет әскери қызметшілеріне, стипендия алатын курсанттарға және кадеттерге, әскери міндеттілерге әскери қызмет өткеру кезеңінде алған мертігу (

жаралану, жарақаттану, контузия алу), науқастану салдарынан әскери қызметтен (әскери жиындардан) шығарылған күннен бастап бір жыл өткенге дейін мүгедектік белгіленген жағдайда олар осы Қағидалардың 3-тармағында көрсетілген әскери қызмет орны бойынша жауапты құрылымдық бөлімшелерге немесе жергілікті әскери басқару органдарына мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгідегі өтінішті;

2) мүгедектігі туралы анықтаманың нотариат куәландырған көшірмесін;

3) әскери-дәрігерлік комиссияның мертігудің (жараланудың, жарақаттанудың, контузия алудың), науқастанудың әскери қызмет өткерумен, әскери жиындардан өтумен себепті байланысы туралы қорытындысының нотариат куәландырған көшірмесін ұсынады.

15. Әскери қызмет орны бойынша жауапты құрылымдық бөлімшелер немесе жергілікті әскери басқару органдары осы Қағидалардың 14-тармағында көрсетілген құжаттарды қабылдағаннан кейін:

1) мерзімді әскери қызмет әскери қызметшілерінен, стипендия алатын курсанттардан және кадеттерден – әскери қызметшіні әскери бөлім (мекеме) тізімдерінен шығару туралы әскери бөлім командирінің (мекеме басшысының) бұйрығынан үзіндіні;

2) әскери міндеттілерден – әскери бөлімнен (мекемеден) әскери жиындардан өткені туралы анықтаманы сұратады.

4-тарау. Әскери қызметші немесе әскери міндетті мүгедектікке әкеп соқтырмаған мерткікен (жараланған, жарақаттанған, контузия алған) жағдайда өтемақы алу үшін құжаттарды беру тәртібі

16. Әскери қызметші немесе әскери міндетті әскери қызмет міндеттерін орындау кезінде, әскери жиындарда мүгедектікке әкеп соқтырмаған мерткікен (жараланған, жарақаттанған, контузия алған) жағдайда ол осы Қағидалардың 3-тармағында көрсетілген әскери қызмет орны бойынша жауапты құрылымдық бөлімшелерге немесе әскери бөлімдерге (мекемелерге) мынадай құжаттарды:

1) осы Қағидаларға 1-қосымшаға сәйкес нысан бойынша белгіленген үлгідегі өтінішті;

2) осы Қағидаларға 3-қосымшаға сәйкес нысан бойынша әскери-дәрігерлік комиссияның алған мертігудің (жараланудың, жарақаттанудың, контузия алудың) ауырлық (ауыр немесе жеңіл) дәрежесі туралы анықтамасын ұсынады.

17. Әскери қызмет орны бойынша жауапты құрылымдық бөлімшелер немесе әскери бөлімдер (мекемелер) осы Қағидалардың 16-тармағында көрсетілген құжаттарды қабылдағаннан кейін мынадай құжаттарды:

1) әскери қызмет міндеттерін орындау (әскери жиындардан өту) кезінде мертігу (жаралану, жарақаттану, контузия алу) салдарын тергеп-тексеру материалдарын;

2) келісімшарт бойынша әскери қызмет өткеретін әскери қызметшілерге –әскери қызметші ақшалай ризықта тұрған әскери бөлімнен (мекемеден) осы Қағидаларға 2-қосымшаға сәйкес нысан бойынша оқиға болған кездегі ақшалай қамтылымының мөлшері туралы анықтаманы қосымша ұсынады.

5-тарау. Өтемақы төлеу тәртібі

18. Осы Қағидалардың 3-тармағында көрсетілген әскери қызмет орны бойынша жауапты құрылымдық бөлімшелер немесе жергілікті әскери басқару органдары осы Қағидалардың 6, 7, 8, 9, 10, 11, 12, 13, 14, 15, 16, 17-тармақтарында көрсетілген құжаттарды қабылдағаннан кейін келіп түскен күнінен бастап 10 (он) жұмыс күні ішінде оларды осы Қағидалардың 2-тармағында көрсетілген тиісті уәкілетті мемлекеттік органдарға жолдайды.

Осы Қағидалардың 6, 7, 8, 9, 10, 11, 12, 13, 14, 15, 16, 17-тармақтарында көрсетілген барлық қажетті құжаттар алынған күннен бастап екі ай ішінде Заңда белгіленген мөлшерде әскери қызметшілерге, әскери міндеттілерге не оны алуға құқығы бар адамдарға өтемақы төлеу жүзеге асырылады.

19. Әскери қызметші қаза тапқан (қайтыс болған), оған мүгедектік белгіленген, ол әскери қызмет кезеңінде мертіккен (жараланған, жарақаттанған, контузия алған) жағдайларда өтемақы есептеу кезінде өтемақының мөлшері оқиға болған кезде соңғы атқарған әскери лауазымы бойынша ақшалай қамтылымының мөлшерін ескере отырып есептеледі.

20. Заңда көзделген өтемақы төлеуден бас тартылған жағдайда өтініш берушіге 5 (бес) жұмыс күні ішінде жазбаша хабарлама жолданады.

21. Өтемақы төлеу осы Қағидалардың 2-тармағында көрсетілген уәкілетті мемлекеттік органдардың қаржыландыру жоспарларында көзделген республикалық бюджет есебінен жүргізіледі.

22. Өтемақыны аудару тұрғылықты жері бойынша банк мекемелерінде ашылған алушылардың ағымдағы, жинақ және корреспонденттік шоттарына аумақтық қазынашылық бөлімшесі арқылы жүзеге асырылады.

23. Кәметке толмаған алушыға өтемақы төлеу оны тұрғылықты жері бойынша екінші деңгейдегі банкте ашылған алушының ағымдағы, жинақ немесе корреспонденттік шотына аудару жолымен ол туралы қорғаншылық және қамқоршылық органдарын, сондай-ақ оның заңды өкілдерін бір уақытта хабардар ете отырып, құжаттар келіп түскен кезден бастап екі ай ішінде жүргізіледі.

24. Алушыға өтемақы аударылғаннан кейін осы Қағидаларға 4-қосымшаға сәйкес нысан бойынша біржолғы өтемақыны төлеуге өтініштерді тіркеу журналында күнін,

өтемақы сомасын және төлем құжатының нөмірін көрсете отырып, тиісті жазба жасалады.

25. Осы Қағидалардың 2-тармағында көрсетілген уәкілетті мемлекеттік органдар өз қызметінің ерекшелігін ескере отырып, осы Қағидалардың ережелерін іске асыруға бағытталған нақтылау жөніндегі ведомстволық актілерді қабылдайды.

26. Өтемақы төлеу бойынша туындайтын даулар Қазақстан Республикасының заңнамасында белгіленген тәртіппен қаралады.

Әскери қызметін өткеру
кезеңінде әскери қызметші
немесе әскери жиындарға
шақырылған әскери міндетті
қаза тапқан (қайтыс болған)
жағдайда, оған мүгедектік
белгіленген кезде немесе ол
әскери қызмет міндеттерін
орындауға байланысты
мертіккен жағдайда
біржолғы өтемақы төлеу
қағидаларына
1-қосымша
Кімге:

(біржолғы өтемақы төлеуді
жүзеге асыратын уәкілетті
мемлекеттік орган құрылымдық
бөлімшесінің басшысына)

_____ тұратын

(өтініш берушінің Т.А.Ә. (бар болса)

тел: _____

Біржолғы ақшалай өтемақыны төлеуге ӨТІНІШ

Сізден _____

(оқиғаның сипаты көрсетіледі) байланысты маған өтемақы төлеуіңізді сұраймын.

Бұдан бұрын _____

(оқиғаның сипаты көрсетіледі)

байланысты біржолғы ақшалай өтемақыны алдым _____

(иә, жоқ)

Тиесілі өтемақы төлемін _____

(облыс, аудан, қала, алушының тұрғылықты жерінің мекенжайы)

аударуыңызды сұраймын.

Банк мекемесінің № _____

Филиал № _____

Дербес шот немесе ағымдағы шот _____

атына

(Т.А.Ә. (бар болса)

Алушының ЖСН _____

Өтінішке мынадай құжаттарды қоса беремін:

1. _____

2. _____

3. _____

4. _____

5. _____

6. _____

_____ ж. " __ " _____ Өтініш беруші _____

(жылы) (күні) (айы) қолы (Т.А.Ә. (бар болса)

Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидаларына 2-қосымша

"Бұрыштық мәртабан"

АНЫҚТАМА

_____ (әскери атағы, Т.А.Ә. (бар болса)

_____ (ведомствоның атауы және оқиға болған күні атқарған әскери лауазымы)

_____ ж. " __ " _____ бастап _____ ж. " __ " _____ дейін

(күні) (күні)

іс жүзінде қызмет өткеретінін (қызмет өткергенін) растау үшін берілді.

20__ жылғы " __ " _____ ақшалай қамтылымы

(оқиға болған күні)

_____ құрады,
(сомасы жазумен)
оның ішінде:
лауазымдық айлықақысы _____
әскери атағы бойынша айлықақысы _____
Қызметтен шығару себебі (егер қызметтен шығарылған болса): _____

Анықтама әскери қызметін өткеру кезеңінде әскери қызметші немесе әскери жиындарға

шақырылған әскери міндетті қаза тапқан (қайтыс болған) жағдайда, оған мүгедектік белгіленген немесе ол әскери қызмет міндеттерін орындауға байланысты мертіккен жағдайда біржолғы өтемақы тағайындау үшін берілді.

Командир (бастық) _____
(қолы) (Т.А.Ә. (бар болса)

М.О.

Қаржы қызметінің бастығы _____
(бухгалтер) (қолы) (Т.А.Ә. (бар болса)

Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидаларына 3-қосымша

"Бұрыштық мөртабан"

АНЫҚТАМА

_____ (әскери атағы, Т.А.Ә. (бар болса)
_____, ол іс жүзінде әскери қызмет міндеттерін орындау кезінде (әскери жиындарда) әскери қызмет міндеттерін орындау кезінде

_____ (жарақат алу мән-жайлары көрсетіледі)

_____ (жылы, күні, айы) (ауыр немесе жеңіл, жазумен көрсетіледі)
мертіккені (жараланғаны, жарақаттанғаны, контузия алғаны) жөнінде берілді.

(керексізі сызып тасталсын) (әскери қызмет міндеттерін орындау кезінде

мертігудің (жараланудың, жарақаттанудың, контузия алудың)

сипаты және соны оқшаулау көрсетіледі)

Осыған байланысты 20__ж. " __ " _____ бастап 20__ж. " __ " _____ дейін

(әскери-медициналық мекеменің атауы көрсетіледі)

_____ емделуде болды.

Анықтама әскери қызметші немесе әскери міндетті мүгедектікке әкеп соқтырмаған мертіккен

(жараланған, жарақаттанған, контузия алған) жағдайда біржолғы өтемақыны тағайындау үшін берілді.

М.О. Әскери-дәрігерлік комиссияның төрағасы _____
қолы (Т.А.Ә. (бар болса)

Әскери қызметін өткеру кезеңінде әскери қызметші немесе әскери жиындарға шақырылған әскери міндетті қаза тапқан (қайтыс болған) жағдайда, оған мүгедектік белгіленген кезде немесе ол әскери қызмет міндеттерін орындауға байланысты мертіккен жағдайда біржолғы өтемақы төлеу қағидаларына 4-қосымша

Біржолғы өтемақы төлеуге өтініштерді тіркеу журналы

Р/с №	Әскери атағы	Мертіккен (жараланған, жарақаттанған, контузия алған), наукастанған әскери қызметшінің, әскери міндеттінің Т.А.Ә. (бар болса)	Келіп түскен күні кір. №	Материал қайдан келіп түсті	Залалды (мүгедектік, ауыр немесе жеңіл жарақат) өтеу себебі	Біржолғы өтемақы сомасы	Төлем тапсырмасының № мен күні
1	2	3	4	5	6	7	8

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК